



Page: 6

Reach: 0

Country: BOSNIA AND HERZEGOVINA

Size: 82 cm2

1 / 1

Radaković i Pejić uhapšeni zbog ratnih zločina

Po nalogu tužioca iz Posebnog odjela za ratne zločine, policijski djelatnici SIPA su jučer ujutro na području Prijedora lišili slobode osumnjičene Milorada Radakovića Srbu (1962) i Gorana Pejića Ledenog (1965). Uhapšeni su pod istragom Tužilaštva BiH, a osumnjičeni su da su u junu 1992, u okviru širokog i sistematičnog napada usmjerenog protiv civilnog stanovništva bošnjačke i hrvatske nacionalnosti na području Prijedora, počinili ratni zločin nad žrtvama hrvatske nacionalnosti na području mjesta Tukovi u općini Prijedor. Oni se terete da su kao pripadnici policijskih i vojnih formacija, 13. juna 1992, došli u mjesto Tukovi, na automatsko oružje namontirali prigušivače, te u kući porodice Ećimović rafalnom paljbom usmrtili pet civila hrvatske nacionalnosti, dok se dvoje djece uspelo spasiti i pobjeći iz kuće, saopćeno je iz Tužilaštva BiH.

